

Kulturikkut ingerlatsineq sunngiffimilu sammisassaqartitsineq pillugit Inatsisartut inatsisaat

Kapitali 1

Atuuffia nassuaatillu

§ 1. Inatsisartut inatsisaat kulturikkut ingerlatsinermut sunngiffimilu sammisassaqartitsinermut atorneqassaaq siuarsataallunilu, taamaattoq tak. imm. 5.

Imm. 2. Kulturikkut ingerlatsineq sunngiffimilu sammisassaqartitsineq tassaapput inunniq qaammasaaneq, kulturimut tunngasunik imalimmik aaqqissuussinerit sunngiffimilu kulturikkut ingerlatat allat nalinginnaasut, taakkununnga ilanngullugit piginnaanngorsaataangnitsumik sunngiffimmi atuartitsineq, sunngiffimmi ornittakkat, sunngiffimmi sammisassaqartitsiviit aamma meeqqat inuusuttullu suliniaqatigiiffii, tak. kapitalit 4-7.

Imm. 3. Inunniq qaammasaaneq tassaavoq inunnut qaammasaataasumik atuartitsineq aamma isumassarsiat malillugit inuiaqatigiinnullu peqataatitsisumik meeqqanik inuusuttunillu sullissinerit, tamat oqartussaaqataanerannik paasinnittaatsimik innuttaaqataalluarnermillu siuarsaanissamik aamma peqataasut suliassamut kulturimillu paasisimasaannik piginnaasaannillu annertusaanissamik siunertaqartut.

Imm. 4. Sunngiffifik tassaavoq piffissaq inuup meeqqanut suli atualinngitsunut, atuartitsinermi, ilinniagaqarnermi, aaqqissuussaasumik piginnaanngorsaanermi sulinermiluunniit ulluunerani neqeroorutinut atortanngisaa.

Imm. 5. Inatsisartut inatsisaat kulturikkut ingerlatsinermut sunngiffimilu sammisassaqartitsinermut inatsit alla aqqutigalugu malittarisassiorneqarsimasumut atorneqassanngilaq.

Kapitali 2

Akisussaaffinnik suliassanillu agguassineq

§ 2. Inatsisartut inatsisaat manna naapertorlugu nunami tamarmi kulturikkut ingerlatsisoqarnissaanut sunngiffimilu sammisassaqartitsisoqarnissaanut Naalakkersuisut pingaarnertut akisussaaffigaat, tamannalu pillugu kommunalbestyrelsit suleqatiginerisigut akisussaaffinnik suliassanillu agguassisarnissamut pitsaasunik atugassaqartitsisoqassaaq.

Imm. 2. Naalakkersuisut inatsisartut inatsisaat manna naapertorlugu pisussaaffigaat:

- 1) kulturikkut ingerlatsinermik sunngiffimilu sammisassaqartitsinermik ineriertortitsinissamut pilersuinissamullu, suliaqartarnissamut siammerterinissamullu aningaasatigut tapiissuteqarsinnaapput allatigullu ummarissaasinnaallutik,

- 2) ininik naleqquttunik pissarseqataanissaq aamma timikkut allatigut atugassaqartitseqataanissaq,
- 3) naleqquttunik ineqartitsinissaq aamma timitigut atugassaqartitsinissaq,
- 4) kommuninik suliamut tunngatillugu siunnersuisarnissaq aamma
- 5) ilinniagaqarnissamik, ingerlaqqiffiusumik ilinniagaqarnissamik aamma ilinniagaqaqqinnissamik neqerooruteqarnissaq.

§ 3. Kommunalbestyrelse kommunimi kulturikkut ingerlatsinermut sunngiffimmilu sammisassaqartitsinermut pingaarnertut akisussaasuovoq kommunimilu innuttaasut kulturikkut neqerooruterpassuarnik inerisaqaataanissamut, ingerlatsinissamut atuinissamullu periarfissinneqarnissaat siunertaralugu anguniagassanik killiliussassanillu aalajangersaasussaalluni.

§ 4. Ukiut tamaasa kommunimi kulturikkut ingerlatsinissamut sunngiffimmilu sammisassaqartitsinissamut communalbestyrelse pilersaarusiortassaaq. Pilersaarut kommunip nittartagaatigut tamanut saqqummiunneqassaaq.

Imm. 2. Kommunimi kulturikkut ingerlatsinissamut sunngiffimmilu sammisassaqartitsinissamut pilersaarutip imm. 1-imi oqaatigineqartutut imassaanut isikkussaanullu Naalakkersuisut malittarisassaliorsinnaapput.

§ 5. Kommunalbestyrelsip inatsisartut inatsisaat manna naapertorlugu pisussaaffigai:

- 1) naleqquttunik ineqartitsinissaq aamma timitigut atugassaqartitsinissaq aamma
- 2) ininut silamilu ingerlatsivinnut meeqqat inuuasuttullu suliniaqatigiiffinit pigineqartunut attartorneqartunulluunniit ingerlatsinermut tapiissuteqarnissaq.

Imm. 2. Kommunalbestyrelsip inatsisartut inatsisaat manna naapertorlugu pisussaaffigisinnaavai:

- 1) ininik naleqquttunik pissarseqataanissaq aamma timikkut allatigut atugassaqartitseqataanissaq, tapiissuteqarfingisinnaallugillu ininut timikkullu allatigut atugassanut kulturikkut ingerlatsinermi sunngiffimmilu sammisassaqartitsinermi atorneqartunut ingerlatsinermut aningaasartuutit aamma
- 2) kulturikkut ingerlatsinermik sunngiffimmilu sammisassaqartitsinermik ineriertortitsinissamut pilersuinissamullu, suliaqartarnissamut siammerterinissamullu aningaasatigut tapiissuteqarsinnaapput allatigullu uummarissaasinnaallutik.

Imm. 3. Kommunalbestyrelsip naleqquttumik ineqartitsinissamut allatigullu timikkut atugassaqartitsinissamut tunngatillugit imm. 1 naapertorlugu pisussaaffi pillugit Naalakkersuisut malittarisassaliorsinnaapput.

§ 6 Kommunit agguernerisa avataanni inatsisartut inatsisaat manna malillugu suliassanik kommunalbestyrelsimum i sumagisassanngortinneqarsimasunik Naalakkersuisut isumaginnissapput.

Imm. 2. Naalakkersuisut kommunimi ataatsimi arlalinnluunniit communalbestyrelsik isumaqatigiissuteqarnermikkut, imm. 1 malillugu Naalakkersuisunit pisussaaffigineqartut, suliassat taakku isumagineqarneri tunniussinnaavaat.

Kapitali 3

Ingerlatsineq tapiiffigineqarsinnaasoq tapeeriaatsillu

Inissatigut atugassarititaasut

§ 7. Naalakkersuisut communalbestyrelsili illunik, ininik timikkullu allatigut atugassaqartitanik kulturikkut ingerlatsinermi sunngiffimilu sammisassaqartitsinermi atorneqartussanik, tassunga ilanngulligit sunngiffimmi ornittakkanik, sunngiffimmi sukisaarsaartarfinnik klubbinik, ininik saqqummersitsisarfinnik, sungiusartarfinnik aamma ataatsimiittarfinnik katersortarfinnillu sanaartornermut, nutarterinermut ingerlatsinermullu tapiissuteqarsinnaapput.

Imm. 2. Kommunalbestyrelsi allalluunniit illunik, ininik timikkullu allatigut atugassaqartitanik kulturikkut ingerlatsinermi sunngiffimilu sammisassaqartitsinermi atorneqartussanik sanaartornermut, nutarterinermut ingerlatsinermullu tapiissuteqarpata Naalakkersuisut tapiissutinik tamakkiisumik ilaannakortumilluunniit utertitsisinnaapput.

§ 8. Naalakkersuisut communalbestyrelsiniq isumasioqateqareerlutik illunik, ininik timikkullu allatigut atugassaqartitanik kulturikkut ingerlatsinermi sunngiffimilu sammisassaqartitsinermi atorneqartussanik sanaartornermut, nutarterinermut ingerlatsinermullu tapiissuteqarnissaq pillugu malittarisassaliorsinnaapput, tassunga ilanngullugu akisussaaffinnik suliassanillu agguassinissamut, piumasaqaatinut tapiissuteqarnissamullu piumasaqaatinut, qinnuteqarnissamut, naatsorsuuserinermut kukkunersiuinermullu malittarisassaliorsinnaallutik.

Sammisassaqartitsinerit

§ 9. Naalakkersuisut communalbestyrelsili makkununnga tapiissuteqarsinnaapput:

- 1) ingerlataniq taakkununngalu atortussanik inerisaanermut pilersuinermullu,
- 2) sammisassanik ingerlatsinermut, tassunga ilanngulligit angalanermi aningaasartuutinut aamma ineqartinneqarnermut aningaasartuutinut matussutissanut,
- 3) peqatigiifit kattuffillu kulturikkut ingerlatsinermik sunngiffimilu sammisassaqartitsinermik suliaqartut ingerlanneqarnerannut,
- 4) isernermi akiliutissap appaaffigineqarnissaanut, peqataanermut akiliutinut assigisaannullu aamma
- 5) saqqummersitsinermut allatigullu siammerterinermut.

Imm. 2. Naalakkersuisut Kalaallit Nunaata avataani kulturikkut ingerlatsinermut sunngiffimilu sammisassaqartitsinermut aamma tapiissuteqarsinnaapput.

Imm. 3. Naalakkersuisut communalbestyrelsilli imm. 1 naapertorlugu tapiissutinik tunniussinermanni sammisassat meeqqanik inuuusuttunillu, inunniq timimikkut ajoqteqartunik aamma inuuniarnikkut ajornartorsiuteqartunik ilaatitsisut sapinngisamik sallitissavaat.

Imm. 4. Naalakkersuisut imm. 1 naapertorlugu tapiissutinik tunniussinermanni sammisassat nuna tamakkerlugu imaluunniit kommunini marlunni arlalinniluunniit ingerlanneqartussat sapinngisamik sallitissavaat.

Imm. 5. Naalakkersuisut communalbestyrelsili naalakkersuinikkut, upperisarsiornikkut sulisartoqarnermilluunniit peqatigiiffeqarnikkut siunertarineqartunut tapiissuteqarsinnaanngillat.

Imm. 6. Naalakkersuisut communalbestyrelsiniq isumasioqateqareerlutik kulturikkut ingerlatsinerup sunngiffimilu sammisassaqartitsinerup iluini sammisassanut, tassunga ilanngulligit akisussaaffinnik

suliassanillu agguassinnissamut, ingerlatsinerup tapiiffigineqarsinnaasup killilerneqarnissaanut, piumasaqaatinut tapiissuteqarnissamullu piumasaqaatinut, qinnuteqarnissamut, naatsorsuuserinermut kukkunersiuinermullu tapiissuteqarnissamut malittarisassaliorsinnaapput.

Kapitali 4

Sunngiffimmi ilinniartitaasarnerit

§ 10. Sunngiffimmi atuartitsineq tassaavoq ilinnialernissamut inuussutissarsiulernissamullu piginnaanngorsaataanngitsumik atuartitsineq meeqqanut, inuusuttunut inersimasunullu sunngiffimmi aaqqissuussaq.

Imm. 2. Sunngiffimmi atuartitsineq imatut aaqqissuunneqarsinnaavoq:

- 1) Nalinginnaasumik atuartitsineq.
- 2) Nipilersornermik ilinniartitsineq.
- 3) Ilinniagaqaqtigijit.
- 4) Oqalugiarnerit.
- 5) Ulluinnarni atortariaqakkat pillugit atuartitsineq.

Imm. 3. Sunngiffimmi atuartitsineq aaqqissuunneqarsinnaavoq qanoq ukioqqortutigineq apeqqutaatinnagu.

Imm. 4. Nal. ak. ilai sunngiffimmi atuartitsinermi peqataasunik katerisimaartitsinernut atuartitsinvimmik imaqanngikkaluartunut atorneqarsinnaapput.

Imm. 5. Sunngiffimmi atuartitsineq ingerlanneqarsinnaavoq ulluunerani unnukkullu. Sunngiffimmi atuartitsineq siviktsuusinnaavoq sivisunerusinnaalluniluunniit.

Imm. 6. Sammisassat qanoq killilerneqarnissaat pillugu Naalakkersuisut malittarisassaliorsinnaapput.

§ 11. Kommunalbestyrelsip piumasaqaatit uku tamarmik naammassineqarpata sunngiffimmi atuartussatut pilersinneqartut akuersissutigissavai:

- 1) Atuartitsinerup tamanut ammasuunissaa, taamaattoq tak. imm. 3.
 - 2) Atuartitsisoq atuartitsinissamut pisariaqartinneqartunik pisinnaasaqassaaq.
 - 3) Atuartitsineq sammisamik ingerlatamilluunniit tamatigoortumik qaammarsaassaaq,
 - 4) Pileraarut ilinniartitsinissamik qulakkeerinnittoq malillugu atuartitsinissaq aaqqissuunneqassaaq, taamaattoq tak. § 15, imm. 2.
 - 5) Atuakkat atuartitsinermilu atugassat assigisaallu peqataasunut akeqanngitsumik atugassanngortitaassapput,
 - 6) Suliaqarnermi atortussat peqataasumit akilerneqassapput, taamaallaat meeqqat inuusuttullu 18-it inorlugit ukiullit pinnagit,
 - 7) Peqataasussat ikinnerpaamik arfineq pingasut nalunaarsimassapput, taamaattoq tak. imm. 2 aamma § 16, imm. 2 kiisalu § 17, imm. 2.
 - 8) Sunngiffimmi atuartitsisoqassaaq inini piukkunnartuni pisariaqartunik atortoqartuni.
 - 9) Atuartitsissutinut ataasiakkaanut imikkut ittumik piumasaqaatit.
- Imm. 2.* Peqataasut qanoq amerlatiginissaannut piumasaqaat communalbestyrelsimit saneqqunneqarsinnaavoq, tak. imm. 1, nr. 7.

Imm. 3. Sammisassaq eqqarsaatigalugu ilinniagaqaqtigiinni oqalugiarnernilu peqataasussat qanoq ukioqarnissaat aalajangersaaffigineqarsinnaavoq, tak. §§ 15 aamma 16.

§ 12. Sunngiffimmi atuartitsinermi atuartut sapaatit akunnerisa malittuinnaat sisamat ingerlaneranni peqataasut agguaqatigiissillugu sisamat inulersimappatikkit atorunnaarsinnejassapput, taamaattoq tak. § 16, imm. 3.

§ 13. Nalinginnaasumik atuartitsineq tassaavoq inunnut tunngasut, inuiaqtigiinnut tunngasut pinngortitamilluunniit ilisimatusarnerup iluini sammisassanik atuartitsineq.

§ 14. Nipilorsornermik ilinniartitsinermi nipilersuutinik nipilorsorneq, nipilersoqatigiinneq, erinarsoqatigiissuartut erinarsorneq, erinarsorluni isiginnaartitsineq assigisaallu ilinniartitsissutigineqassapput ineriaortinnejarlutillu.

§ 15. Ilinniagaqaqtigiit tassaapput inuit arlallit peqataanermikkut inunnut, inuiaqtigiinnut imaluunniit ilisimatusarnermut tunngasutigut sammisassamik namminneerlutik qulaajaasut.

Imm. 2. Ilinniagaqaqtigiinneq aaqqissunneqassaaq ilinniagaqarnermut atortussat naleqquttut tunngavigalugit.

§ 16. Oqalugiarerit tassaapput oqalugiaatit ataasiakkaat imaluunniit oqalugiaatit nangeqattaartut arlallit atorlugit inunnut, inuiaqtigiinnut ilisimatusarnermullu tunngasunik paassisutissiineq.

Imm. 2. Oqalugiaqattaarnermut peqataaniarlutik nalunaartut ikinnerpaamik 15-iussapput atuartut atuartinneqassappata.

Imm. 3. Oqalugiaqattaarnermi peqataasut agguaqatigiissillugit qulit inulersimappatikkit ilinniagaqaqtigiit atorunnaarsinnejassapput.

§ 17. Ulluinnarni atortariaqakkat pillugit atuartitsineq tassaavoq ulluinnarni atortariaqakkanut nutaaliornermullu tunngasunik atuartitsineq.

Imm. 2. Ikinnerpaamik aaqqaneq-marluk peqataaniarlutik nalunaarsimappata atuartut atuartinneqaannassapput.

Imm. 3. Sapaatit akunnerisa sisamat malittuinnaat ingerlaneranni peqataasut agguaqatigiissillugit arfineq pingasut inulersimappatigit atuartut atorunnaarsinnejassapput.

Imm. 4. Ulluinnarni atortariaqakkat pillugit atuartitsinissamut Naalakkersuisut erseqqinnerusumik malittarisassaliorssinnaapput, tak. imm. 1.

§ 18. Peqataasut killilersimaarneqarnissaat, peqataasussat amerlassusiligaanerisa qanorlu ukioqarnissamik aalajangersakkat saneqqunneqarsinnaanerat, atuaqtigiit arlariit pilersinnejqarsinnaanerat pillugit Naalakkersuisut malittarisassaliorssinnaapput kiisalu nal. ak. atuartitsivissat amerlassusissaat aalajangersaavigisinjaallugu.

§ 19. Kommunalbestyrelsip sunngiffimmi atuartitsinermi peqataasut akileeqqusinnaavai.

Imm. 2. Akileeqqusissutip imm. 1-impi pineqartup qanoq annertutiginissaanik naatsorsuinissamut

aqunneqarnissaanullu Naalakkersuisut malittarisassaliorsinnaapput.

Kapitali 5

Sunngiffimi ornittakkat

§ 20. Sunngiffimi ornittagaq tassaavoq paaqqinnitarfik sulisut perorsaanikkut ilinniagallit perorsaanikkut siunnerfeqartumik atuarnerup avataatigut meeqqat inuuusuttullu atugaannik, peqqissusaannik, ineriartornerannik ilinniarnerannillu siuarsaallutik suliaqarfigisaat.

Imm. 2. Sunngiffimi ornittagaq atuarfimmik angajoqqaanillu suleqateqarluni atuarfimmi atuartitsinerup sunngiffimmilu ornittakkap akornanni ataqtagiissumik ingerlatsisoqarnissaanut peqataassaaq.

§ 21. Sunngiffimi ornittagaq kommunip paaqqinnitarfiatut (kommunimi sunngiffimi ornittagaq) kommunimit ataatsimit ingerlanneqarsinnaavoq.

Imm. 2. Sunngiffimi ornittagaq communalbestyrelse isumaqatigiissuteqarfigineratigut paaqqinnittarfittut imminut pigisutut (sunngiffimi ornittagaq namminersortitaq) ingerlanneqarsinnaavoq imaluunniit paaqqinnittarfittut namminersortutut (sunngiffimi ornittagaq namminersortoq) communalbestyrelse isumaqatigiissuteqarfigalugu.

§ 22. Sunngiffimi ornittagaq avatangiisimigut meeqqat, inuuusuttut sulisullu pisariaqartitaannut naleqqussarneqarsimassaaq, sunngiffimmilu ornittakkanut oqartussanit akuerisaasoq aamma communalbestyrelsimit ornittakkamik nakkutilliisumit ornittakkallu nutaamik sananeqareerluni, allanngortiterneqareerluni allilerneqareerlunilu atulinnginnerani akuersissutinik tamanik nakkutiginnittumit akuerisaasoq.

Imm. 2. Kommunalbestyrelsip nakkutigissavaa sunngiffimi ornittakkap qaqugukkulluunniit inatsisit atuuttut naapertorlugit aaqqissugaanissa.

Imm. 3. Naalakkersuisut sunngiffimi ornittakkamik pilersitsinissaq pisatsersuinissarlu pillugit malittarisassaliorsinnaapput.

§ 23. Sunngiffimi ornittakkat tamarmik communalbestyrelsimit akuerisaasimanerminnut uppernarsaateqassapput, paaqqinnittarfiup pisortaanit tamanut ersittumut inissinneqarsimasumik.

Imm. 2 Akuersissuteqarnerup uppernarsaamiissapput makkuninnga paasissutisiissutit:

- 1) Meeqqueriviup aqqa, najugaqarfia sumiiffialu.
- 2) Sunngiffimi ornittakkap anguniagai aamma meeqqat inuuusuttullu pillugit isumai.
- 3) Paaqqinnittarfimmut atatillugu kommunimi ataatsimiititaq imaluunniit sunngiffimi ornittakkap imminut pigisup sunngiffimmiluunniit ornittakkap namminersortup aqutsisui.
- 4) Sunngiffimi sammisassaqartitsiviup pisortaa.
- 5) Sulisut amerlassusiat.
- 6) Inissat qassiuneri.
- 7) Piffissat ammasarfiit.
- 8) Pisortanit naapertuuttunit akuersissutit, taakkununnga ilaallutik qatserisartutut oqartussaasunit, sanaartornermut oqartussaasunit communalbestyrelsimmillu akuersissutit taakkualu ullui.
- 9) Suliaqarfifup inatsisitigut tunngavii pillugit paasissutissat.

§ 24. Sunngiffimmi ornittakkamik atuineq akeqartinneqassaaq (nammineq akiliineq), taamaattoq tak. imm. 3. aamma 4.

Imm. 2. Sunngiffimmi ornittakkap agguaqatigiissillugu ingerlatsinermut aningaasartutissaatut missingersuusiukkat ilanngaaserneqanngitsut aamma akiliuteqartussap akiliuteqartussalluunniit aningaasaqarnikkut inisisimanaerat tunngavigalugit kommunip sunngiffimmi ornittagaataanik atuinissamut nammineq akiliutissaq aalajangersarneqassaaq.

Imm. 3. Nammineq akiliutissap apparinnejarnissaanut communalbestyrelse tapiissuteqassaaq. Sunngiffimmi ornittagaq atorneqartoq qanorluunnit isikkoqaraluarpat aningaasat aalajangersimasumik amerlassusillit communalbestyrelsimit tapiissutigineqassapput.

Imm. 4. Naalakkersuisut communalbestyrelsimek isumasioqateqareerlutik malittarisassaliussavaat kommunip sunngiffimmi ornittagaani, sunngiffimmi ornittakkami imminut pigisumi sunngiffimilu ornittakkami namminersortumi meeqqat najugaqarnermut akiliutissaat, tassunga ilanngullugit isertitaqqortussuseq naapertorlugu akiliuteqartarneq, nammineq akiliutissap apparinnejarnissaannut tapiissutit, akiliutissanik akiitoqalernermi meeqqap ornittakkamikunnaarnissaa aamma kommunimi sunngiffimmi ornittakkamik, sunngiffimmi ornittakkamik imminut pigisumik sunngiffimilu ornittakkamik namminersortumik atorunnaarsitsineq pillugit malittarisassaliussallutik.

§ 25. Sunngiffimmi ornittakkamik atuinermut akiliuteqartussaatitaavoq meeqqamik pilersuisoq. Meeraq angajoqqaami arlaanni najugaqarpat, taannalu katissimappat, nalunaarsukkamik aappaqartuuppat imaluunniit minnerpaamik ukiumik ataatsimik sivisussusilimmik katissimanermut assingusumik aalajangersimasumik inooqateqarpat, angajoqqaajusoq taassumalu aalajangersimasumik inooqataa akiliisussaatitaasutut isigineqassapput.

§ 26. Kommunip sunngiffimmi ornittagaanut aamma sunngiffimmi ornittakkamut imminut pigisumut ilanngunnissaq communalbestyrelsimit aalajangiiffigineqassaaq.

Imm. 2. Kommunalbestyrelsip aalajangersinavaa sunngiffimmi ornittakkap imminut pigisup sunngiffimmi ornittakkamut ilannguttoqarnissaanut tamakkiisumik ilaannakortumilluunniit nammineq aalajangiisarnissaa.

Imm. 3. Sunngiffimmi ornittakkat namminersortut namminneq aalajangiisarput sunngiffimmi ornittakkamut ilannguttoqarniartillugu. Kommunalbestyrelse sunngiffimmi ornittakkami namminersortumi inissamik innersuussisinnaanngilaq, taamaattoq takuu § 27, imm. 4.

§ 27. Kommunimi sunngiffimmi ornittakkami sunngiffimilu ornittakkami imminut pigisumi meeqqat ilanngunneqarnissaanut communalbestyrelse malittarisassanik aalajangersaassaaq tamanullu saqqummiussilluni. Angajoqqaat periarfissinneqassapput meeqqamik sunngiffimmi ornittakkamut aalajangersimasumut ilanngunneqarnissaannut kissaatiminnik saqqummiussinissamut.

Imm. 2. Sunngiffimmi ornittakkap imminut pigisup § 26, imm. 2 naapertorlugu ilanngussinissamut piginnaatitaasup meeqqat sunngiffimmi ornittakkamut ilanngunneqarnissaannut malittarisassat aalajangersarlugillu tamanut saqqummiutissavai.

Imm. 3. Sunngiffimmi ornittakkat namminersortut meeqqat sunngiffimmi ornittakkamut ilanngunneqarnissaannut malittarisassanik aalajangersaallutilu tamanut saqqummiussissapput.

Imm. 4. Sunngiffimmi ornittakkat namminersortut taamaallaat meeqqanik tigusinissamut itigartitsisinaapput sunngiffimmi ornittakkami inissaqartitsisoqanngikkaangat.

§ 28. Sunngiffimmi ornittakkap meeqqat ataasiakkaat inuuusuttulluunniit ataasiakkaat inerikkiartornerat pillugu ataatsimoortumik naliliinikkut naliliinerit uppernarsaasersuinerillu ingerlaavartumik isumagissavai, meeqqallu inerikkiartornera minnerpaamik ukiumut marloriarluni allaaserisassallugu.

Imm. 2. Inerikkiartorneq pillugu allaaserisat meeqqap pilersuisui inuillu suliamik ingerlatallit suleqatigalugit malitseqartinnejartassapput.

Imm. 3. Sunngiffimmi ornittakkap pisussaaffigaa minnerpaamik ukiumut marloriarluni meeqqap pilersuisuinik oqaloqateqartarnissaq meeqqap inerikkiartoqqinnerani suleqatigiinnissaq siunertaralugu.

§ 29. Kommunalbestyrelsip meeqqat inuuusuttullu kommunip sunngiffimmi ornittagaaniittartut imaluunniit sunngiffimmi ornittakkami namminersortumiittartut taamaatitissinnaanngilai kommunalbestyrelse neqeroorummik assingusumik imaluunniit neqeroorummik allamik naapertuuttumik neqeroorutissaqartinnani.

Imm. 2. Sunngiffimmi ornittakkap namminersortup immikkut illuinnartumik pisoqartinnagu meeqqat sunngiffimmi ornittakkami namminersortumiittartut taamaatitissinnaanngilai.

Imm. 3. Meeqqat kommunip sunngiffimmi ornittagaaniikkunnaartinneqarnissaannut aamma sunngiffimmi ornittakkami namminersortumiikkunnaartinneqarnissaannut kommunalbestyrelse malittarisassanik aalajangersaallnilu tamanut saqqummiussissaaq.

Imm. 4. Sunngiffimmi ornittakkap namminersortup meeqqat sunngiffimmi ornittakkami namminersortumiikkunnaartinneqarnissaannut malittarisassat aalajangersassavai tamanullu saqqummiullugit.

§ 30. Meeraq sunngiffimmi ornittakkamit neqeroorummumut allamut nuuppat § 29, imm. 1 naapertorlugu sunngiffimmi ornittakkami sulisut paaqqinnittarfik nuuffigineqartoq suleqatigalugu meeqqap inuuusuttulluunniit pisariaqartitaanik isumaginninnissamut meeraq pillugu paassisutissanik ingerlatitseqqissapput.

Imm. 2. Naalakkersuisut imm. 1 naapertorlugu paassisutissanik naapertuuttunik ingerlatsitseqqinneaq pillugu malittarisassaliorsinnaapput.

§ 31. Naalakkersuisut communalbestyrelsimek isumasioqateqareerlutik sunngiffimmi ornittakkami aqutsineq allaffisornerlu pillugit malittarisassaliorsinnaapput, tassunga ilanngullugit piginnaasaqarnissamik piumasaqaatit, sulisut amerlassusissaat atuisartullu katersuuttarnissaat pillugit malittarisassaliorsinnaallutik.

Kapitali 6

Sunngiffimmi sukisaarsaartarfik klubbit

§ 32. Sunngiffimmi sukisaarsaartarfik klubbi tassaavoq meeqqat inuuusuttullu sunngiffimminni suliaqarlutik ataatsimooqatigiinniarlutilu katerisimaartarfiat.

Imm. 2. Sunngiffimmi sukisaarsaartarfimmik klubbimik atuineq akeqanngilaq, taamaattoq tak. imm. 3 aamma 4.

Imm. 3. Kommunini sunngiffimmi sukisaarsaartarfift klubbit akiliisitsisinnaapput imaluunniit katersuiniarsinnaallutik klub bip ingerlatai, pilersaarutai il.il. nukittorsarniarlugit. Taamaattoq sunngiffimmi sukisaarsaartarfimmik klub bip mut peqataanermut ilaasortatut akiliisitsisoqarsinnaanngilaq.

Imm. 4. Naalakkersuisut kommunalbestyrelsimek isumasioqateqareerlutik akiliisitsisarnissat katersuiniartarnissallu imm. 3-mi taaneqartut pillugit malittarisassaliorsinnaapput.

§ 33. Sunngiffimmi sukisaarsaartarfift klubbit kommunip sunngiffimmi sukisaarsaartarfiatut kommunimit ingerlanneqarsinnaapput imaluunniit kommunip sunngiffimmi sukisaarsaartarfiatuunngitsoq allanit ingerlanneqarsinnaapput.

§ 34. Kommunini sunngiffimmi sukisaarsaartarfift klubbit pilersinnejqarsinnaapput piumasat makkua tunnavigalugit

1) klubbi meeqqanut inuusuttunullu 6-iniit 21-nut ukiulinnut tamanut ammasuussaaq,

2) klub bip pisortaa suleqataalu pisariaqartunik piginnaasaqassapput,

3) klubbi piukkunnartunik ineqartinneqassaaq,

4) atortussat pisariaqartut akeqanngitsumik atorsinnaatitaassapput,

Imm. 2. Qanoq ukioqqortutigisut piffissani aalajangersimasuni sunngiffimmi sukisaarsaartarfinnik klubbinik atuisinnaanerat pillugu Naalakkersuisut sukumiinerusunik malittarisassiorinnaapput.

§ 35. Kommunalbestyrelse sunngiffimmi sukisaarsaartarfinnut klubbinut kommunip ingerlatarinngisaannut tapiissuteqarsinnaavoq.

Imm. 2. Sunngiffimmi sukisaarsaartarfift klubbit imm. 1 naapertorlugu tapiiffigineqartartut kommunalbestyrelsip akuerissavai nakkutigalugillu.

Imm. 3. Kommunalbestyrelse akuersissappat klubbi malittarisassaqassaaq.

Imm. 4. Sunngiffimmi sukisaarsaartarfift klubbit kommunimit ingerlanneqanngitsut Naalakkersuisut malittarisassiuutissavaat, tamatumani ilangullugit klub bip malittarisassai.

Kapitali 7

Meeqqat inuusuttullu suliniaqatigiiffi

§ 36. Meeqqat inuusuttullu suliniaqatigiiffi tassaapput suliniaqatigiiffit aaqqissuussinernik meeqqanut inuusuttunullu 30-t inorlugit ukiulinnut ingerlatsisartut.

§ 37. Timersoqatigiiffinnut tunngatillugu killiliinissaq Naalakkersuisut malittarisassaliussapput.

Kapitali 8

Aningaasalersuineq allaffisornerlu

§ 38. Aningaasanut inatsimmi aningaasaliissutissatut aalajangersakkat iluini Naalakkersuisut kulturikkut ingerlatsinermut sunngiffimilu sammisassaqartitsinermut tapiissuteqassapput.

§ 39. Aningaasartuutit kulturikkut ingerlatsinermut sunngiffimilu sammisassaqtitsinermut atorneqartut kommunit tamakkerlugit akiligassaraat, aningaasartuutit tamakkerlugit ilaannalaunuuniit Namminersornerlutik Oqartussanit allanilluunniit akilerneqassasut inatsisitigut erseqqissumik tunngavissiisoqarsimanngippat. Namminersorlutik Oqartussat aamma kommunit inatsisitigut pisussaaffiusumik suliassat akilerneqarlutik isumagineqarnissaat isumaqtigiissutigisinnaavaat.

Imm. 2. Suliaqarfinni kommunit aggornerisa avataaniittuni aningaasartuutit imm. 1 naapertorlugu Naalakkersuisunit isumagineqassapput.

Kapitali 9

Naatsorsuutit kukkunersiuinerlu

§ 40. Kulturikkut ingerlatsinissamut sunngiffimilu sammisassaqtitsinissamut Naalakkersuisunit tapiissutisut tapiissutit siunertamut atorneqarnerat upternarsassavaat tamannalu pillugu piumasaqartoqarneratigut upternarsaasisallugit.

Imm. 2. Tapiissutinik atuinerup upternarsarneqarnissa uppernarsaaserneqarnissaalu, taakkununnga ilanngullugu naatsorsuusiornissamut kukkunersiuinissamullu piumasaqaatit Naalakkersuisut malittarisassaliorsinnaavaat.

§ 41. Tapiissutisisimasoq eqqunngitsunik paasissutissiisimappat, tapiissutisinissamut piumasaqaatit naammassineqanngippata imaluunniit tapiissutit aningaasaliissutigineqartussanut siunertanut allanut atorneqarsimappata tapiissutit aningaasaliissutigineqarsimasut tamakkiisumik ilaannakuusumilluunniit utertillugit akilerneqarnissaat piumasarineqarsinnaavoq.

Imm. 2. Tapiissutit utertinneqarnissaat pillugu Naalakkersuisut malittarisassaliorsinnaapput.

Kapitali 10

Naammagittaalliuut

§ 42. Naalakkersuisut Kommunalbestyrelsillu Inatsisartut inatsisaat manna naapertorlugu aalajangigaat pisortanut oqartussaasunut allanut suliassangortinneqarsinnaanngillat, taamaattoq tak. imm. 2.

Imm. 2. Naalakkersuisut isumaqtigiissuteqarfigalugit communalbestyrelsinit tunniunneqarsimasunut suliassanut tunngasuni communalbestyrelsimit aalajangiinerit aalajangiinerup nalunaarutigineqarneranit sapaatit akunneri sisamat qaangiutsinnagit Naalakkersuisunut suliassangortinneqarsinnaapput.

Kapitali 11

Misilgummik aaqqissuussinerit

§ 43. Naalakkersuisut aaqqissuussigallarnertut immikkut ittumik pisoqartillugu inatsisartut inatsisaanni aalajangersakkat saneqqussinnaavaat, inatsisartut inatsisaani atuiffissat iluini misileraanermik ingerlatsinerup siuarsarneqarnissaanut pisariaqartutut isigineqarpata.

Imm. 2. Misileraalluni ingerlataqarnermut Naalakkersuisut tapiissuteqarsinnaapput, imm. 1 tak.

Kapitali 12
Nakkutilliineq

§ 44. Kommunalbestyrelsit inatsimmik aqutsinerat Naalakkersuisut pingaarnertut nakkutigissavaat.

Imm. 2. Naalakkersuisut kommunalbestyrelsimit piumasarisinnaavaat paasissutissat inatsit naapertorlugu suliaminnik isumaginninnissamut pisariaqartutut isigisatik.

Kapitali 13
Atuutilersitsinermi, ikaarsaariarnermi atorunnaarsitsinermilu aalajangersakkat

§ 45. Inatsisartut inatsisaat ulloq 1. januar 2017 atuutilissaq.

Imm. 2. Inatsisartut inatsisaata atuutilernera ilutigalugu kulturikkut ingerlatsineq sunngiffimilu sammisassaqaqtitsineq pillugit Inatsisartut peqqussutaat nr. 10, 21. maj 2002-meersoq kiisalu inatsisartut peqqussutaanni nr. 5, 9. april 1992-imeersumi §§ 9-10 atorunnaarsinnejarpuit.

Imm. 3. Malittarisassat kulturikkut ingerlatsineq sunngiffimilu sammisassaqaqtitsineq pillugit Inatsisartut peqqussutaat nr. 10, 21. maj 2002-meersoq naapertorlugu aalajangersarneqartut atuuttuusulluunniit atuutiinnassapput atorunnaarsinnejarnissaata tungaanut imaluunniit malittarisassanik Inatsisartut inatsisaat manna inatsisilluunniit allat naapertorlugit aalajangersakkanik allanik taarserneqarnissamik tungaannut.

Namminersorlutik Oqartussat, ulloq 6. juni 2016

Kim Kielsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviit
Naalakkersuisut

